

薛稷吟館鈔存

余以譎陋謬獵甲科幸際
承平叨竊祿位泯々汶々
將沒世焉可笑人也懷自
束髮受書性耽吟詠特以
專治舉子業未遑肆力於

詩通籍後始稍爲之中
年以來更歷憂患之有所
觸韻語宣之譬之候蟲時
鳥自鳴自已聊適已意
而已昨以簿領餘閒檢點

舊簾刪去厠雜得若干
首兒子鍾灋敦請付梓
晚云曰詩者這也言之所
道脫口成聲未可以格律
繩之興觀怨此物此志

也東坡不云乎我書意造
本無法陶宏景云祗可自
怡悅皆余之適之謂也莊
子家塾以示子孫庶不沒
畢生心血之意云爾以質

方家則吾豈敢

咸豐癸丑六月靜濤柏後
自渡於蘇蘇吟館

題薛箴吟館鈔存七律二章
史筆仙心擅化工
閩河跋涉徧
西東
衡文歷攬中原
孫渡海
荀陳異俗風
帝里煙光供
染翰天涯雪
印誌飛鴻
他年鉅集傳
燕許慧業還
偕

相業隆

讀罷瑤編意爽然
羨君腹笥貯便文
成馬上歐陽子紙
貴雞林白樂天
垂老難忘餘結習
登高能賦繼前賢
勞形簿領慙余拙
竟少溢

客唱和緣

里句錄請

靜濤七兄大人斧政

愚弟文慶初稿

夫東音南音萌牙五際義伯秋伯揮綽六瑩爰
据軒竹以還嬪叶伶蕭之詠金石楹陛肴核騷
雅淵哉鑠乎若迺畫日鏤管叢雲換辭練骨九
僊彜集一品則讀吾師靜濤夫子薜荔吟館集
為得未曾有也夫子翔華閭苑翼平辰衡抱鈞
河摘洛之才贊枕石寢繩之化挈囊晨直緝亮
六典散襟晚適擘精百家以故潤古雕今摛風

裁興球鐘愈暢山水方滋存義雒誦旬時不揆
構瞽蠡測所及敢獻尺聞今夫縹馬樊桐則千
山歛其岑嶸浮槎澥渤則萬流失其奔瀦是以
長離之鳴引和七均黼綵之色度越三八繇斯
該惜可得言焉昔之郊島冥搜自攜冰雪皮陸
迭唱獨浪煙霞類皆灌莽條寒候蟲響細夫子
則冲偉

禁籞斫鱸蓬池近雲牖而居探金鑛之祕研書
賞理酬沈范於座中敷衽奏懷羅籍湜於門下
通讌紀夫恩遇修毫稱乎德名玉樹千蕤布丹
崖而寫影琅璈八奏環翠水以尋聲此洵不可
及也至若含香畫省珥彤華軒魚須有書時對
玉碣鶴蓋似水不離金溝境局者天易弢情囿
者神多恣夫子則鋒車飈馭英蕩星馳儲九能

於槩絺絺四牡於原隰東源鴨綠南眺虎阜西
踰函谷北揭凌河雲物淪其神明山川盪其膈
臆每當露晨煙夕驛古樹新提琴命儔憑軾倚
雅徽徽之景溢乎言表翬翬之思超乎古初此
又不可及也亦或少文撫絃靈運著屐探石禹
穴文獎奇氣縱舶儋耳詩挾異聲趣得寰中勢
阻域外夫子則遠持龍節邁越馬韓較小貊之

弓聽萬波之笛竹枝唱出裊海鶯花桂叟行來
舞天竽瑟飛觴搏桑之側彈毫析木之墟排峯
削青驚濤迴紫不獨聖俞斷句弓衣徧繡長慶
新格雖林競求此又不可及也至於飈流所始
滔繩殊途獵豔則麗淫縋幽則案衍瓊珮玉軟
不宜泉壑莊襟老帶詎合巖廊聲畫妍媸各有
通蔽夫子則默會元解直舉性靈衆體畢賅意

匠獨照其雕蔚為顏謝其蕭曠為王韋為元白
之瀏轉為溫李之綺靡洞庭廣樂非擷寡絲鄧
林喬柯無取治葉此又不可及也存義仰餐沆
瀣俯愧蹠涔緇帷廿年駑馬十駕難傳師鉢似
隔塵因幸侍祖庭能言珠色叩觚動墨欽心綴
言庶幾三百之篇獎借端木六一之集許與大
蘇也歟受業吳存義

恭讀

靜濤夫子大人薜籙吟館詩賦
全集賦詩四章以志欽幸錄求
鈞誨

綴坐龍門十八年了無公暇說
詩篇豈知絳帳吟風地多在黃

沙踏雪天

師凡四至陪都啟行皆以
嚴寒東征日久得詩最富一

品新披會昌集百番豔奪陟釐

牋未經鹿洞門人注已有雞林

國相傳

師於甲辰年奉使朝鮮自
其國王以下皆求書索詩

組繡功深勝鍊京衆仙還讓咏

霓聲軼羣才分原闕福絕世詞

章不取名華貴已超三獨座清
寒猶是一書生早朝晏退無餘
嗜觸手牙籤擁百城

天判文星攝使星

師使朝鮮
諭以能文嘉許

皇

華四出重儀型懸衡取士眉皆
白破格憐才眼獨青經史陶鎔

斟筆法江山閱歷拓襟靈一編
壽世爭先覩豈第傳詩在鯉庭
百回不厭耐長哦度出金鍼巧
若何宗匠信能扶大雅詞源從
許丐餘波魏公老圃吟懷健陸
氏荒莊媿色多久欲酬知無一

當恰將下里報陽阿

頃以拙藁獻蒙
師賜詩激獎

受業何忝獻稿

薛稊吟館鈔存

卷一目錄

題紉蘭圖

種竹依蘇長公寒碧軒韻

雨中看竹再疊前韻

觀漁

題童二樹畫冊並依其韻

鎮日

楊柳枝詞

過錫潤蒼

霖

姊丈小亭閒話

贈樵客

江南曲

秋齋

過佟府遺趾

秋咏

顧影

玉臺體

讀史雜感

擬自君之出矣

秋陰

秋郊晚步

府試蠟梅

府試榆錢

戲咏布袋佛

科試試院古槐

閱題名錄

府試盆梅

府試水仙

五臺詩

寓法華寺東謝雲洲 王露 玉鑑堂銘 中秋賞月

中秋日再東雲洲兼示鑑堂

謝文蔭莊 杰 惠菊花

秋柳用漁洋山人韻

社課

下第出都宿邯鄲

道出鳴謙驛

辛興鎮

芹泉道中

曉發峪道河

青龍山

康家灘

過虎嶠山值雪

晚宿苗家坪

提鈴溝大風

感逝詞集唐二十首

尋元昊臺故址

屠本如茂才述源
高雅不思仕進出照屬題

重遊賈氏別業

塞下曲

登樓

銀川竹枝詞

冬齋讀書

旅館值雨即景

薛村曉發

行途雜咏

曉行口占

旅館不寐偶成

固關

涿鹿道中

靈武過黃河水橋

銀川新年詞

遊晉祠

棘樹

癸未嘉平由北地郡將旋京師留別賈子東茂

才如鏞

環慶秋興用杜少陵韻

環慶懷古

題旅壁課讀圖

望華山

渭南道中

古函關

過潼關

殷太師墓

懷慶道中

岳廟

磁州口號

盧生祠

呂仙祠

明月店曉行

薜蘿吟館鈔存

臨潢 柏後

題紉蘭圖

春蘭如美人快讀髯翁語盲左誌國香佩服矜容與仙
號艷如蘭芳名錫待女繪此雙美圖香天結靜侶舜英
儷華顏癯仙供嚼咀何獨幽谷中孤芳寄清緒我思榛
與苓西方道修阻安得薦其馨超超閬風舉俯仰千秋
間揮灑一尺許環珮來珊珊秋香溢毫楮澤畔紉蘭人

芳馨寄何所

種竹依蘇長公寒碧軒韻

新翠著山扉叢篁乍作圍引泉分草帶掃石破苔衣終
擬青霄上先期碧雨飛郊簷終夜滴明日綠應肥

雨中看竹再疊前韻

風雨靜重扉層陰萬竹圍寒聲驚鶴枕急點濺魚衣琴
筑鳳聲叶烟雲龍勢飛會看生稚子晴帶土膏肥

觀漁

放眼水天裏何曾識獨醒閒偕一竿竹坐領千花汀魚
鳥自然樂江山如此青渭濱豈意釣我欲臨雲溟

題童二樹畫冊並依其韻

林護茅簷一逕蒼柴門臨水對重岡白雲深處少人到
閒讀異書焚異香

草閣三間俯碧湖水烟雲氣半模糊低窓恰對絲絲柳
隔着遙山認有無

竹樹叢叢互映遮山窓幽興飽雲霞科頭閒聽無心鳥

放眼時看得意花

青山東畔水西偏人語溪橋雜響泉知是鄰村三四叟
相招我詠白雲篇

石帆山外即江村載酒歸來樹色昏掉到前溪初上月
歌聲唱斷晚烟痕

林風鳥語寫真機策杖深深入翠微小立石橋回首望
紅泉聲帶白雲飛

濃雲度嶺變陰晴夕照臨波倏暗明仙境坐看看不厭

林風疑是步虛聲

卜築何人倚礪阿
尋幽獨步到烟蘿
人家終日畫圖裏
山客隨時詩卷多

一道飛泉濺石淙
浪花聲裏自衝撞
倚欄望斷江天暮
雲滿寒山月滿窓

茆屋三椽占畫圖
叢叢花柳接芳蕪
溪山日午疎林靜
隨意看花聽鳥呼

村傍山林近水居
草痕苔色滿庭除
更依雲牖別開院

擬種芭蕉學草書

迢迢送到暮村鐘
竹牖全開納晚風
欹枕不知天近遠
青山無數月明中

鎮日

鎮日輕飄水麝風
誰家社鼓隔林楓
嬌鶯乳燕沙堤上
澹雨疎烟葉院中
花愛芳春過一白
人登高閣望千紅
小桃幽竹山窓下
日脚篩來韻特工

楊柳枝詞

楚腰蜀帶擅風流
新月初聞黃粟留
連日微雲並微雨
烟絲遮住小紅樓

聞說新醅出杏林
杏花村外綠陰陰
酒旗低亞平橋晚
牽惹遊人醉不禁

水邊亭子綠裙腰
畫舫低隨翠帶遙
爭道春陰眠未起
濕烟壓輦一條條

春水生時柳葉青
春江暖後柳花馨
花飛依舊隨江水
謝絮風流到楚萍

過錫潤蒼

霖

姊大小亭閒話

名園相引步幽叢談笑徘徊院數弓吟屐潤沾三徑蘚
好花香送一亭風阮瞻琴奏飛泉裏陶令樽開暮靄中
久坐不知歸去晚芳堦月影轉玲瓏

贈樵客

終古棋局耳君從當局評裁雲一髮碧擔月千峯明芒
躋世塵外山歌金石聲何時乞仙侶朝暮溪風清

江南曲

畫艇染荷香十里迷雲浦誰知蓮房中粒粒皆心苦
一曲菱歌晚江天暮靄低多情邀明月送我過前溪

秋齋

斜陽一徑上茆亭為望新晴拓畫櫺老樹紅酣楓影醉
疎花香冷蛩魂醒草痕委地霜前紫竹色穿簾雨後青
落葉滿庭秋不掃林風幾度弄簷鈴

過佟府遺趾

四面頽墻一徑斜雲林蒼翠幕誰家夕陽依舊空亭冷

滿地青青剩菜花

秋咏

一竿裊裊坐垂絲
鎮日觀魚兩不知
可笑池塘秋已老

花陰猶自弄猫兒

秋釣

西風昨夜入園林
埽葉纔經爽氣深
記得山城春二月

黃花滿地散如金

秋埽

顧影

從來皮相拙壁上
好觀人背指菊成
夢橫斜梅有神相

逢都半面到此現全身悟透非非意模糊半是真
刻露鴻泥迹宐容一縷遮畫圖雖草草面目不花花書
味箇中識天光環外賒澄心徹秋景返照水之涯

玉臺體

聞說邊城捷登樓始破顏征人今得意可入玉門關
車馬喧深巷翻疑夢乍成相歡復悲咽不盡別時情

讀史雜感

險計思將黔首愚典章道德半虛無那知劉季平生語

安事詩書不喜儒

赤帝亦知思猛士沛豐空詠白雲秋緣何大度包荒者
功狗功人一例收

光武功臣三十六中興王業衆星開可憐江水茫茫外
不見雲臺見釣臺

漢江峴頂勒碑還過客登攀涕自潛我亦臨風欲洒淚
斷烟古木定軍山

吳郡奇才世所稀華亭鶴唳尚依依嗚冤縱有孫司馬

計悔尊鱸不共歸

欲誤蒼生使二州寧馨果有宦情不排牆一堵清談絕
三窟爭誇是狡謀

洛下名流士雅欽長江擊楫誓雄心戴淵劉隗成何事
慷慨空教淚滿襟

忠武爭傳是太真世儀滿腹枉精神一般士季誑秦計
愧煞河梁贈策人

光武仁明難並驅季龍自負太疎迂曹家司馬真狐媚

修墓通書豈丈夫

山林遺跡足名全
出牧終輸管葛賢
誤盡蒼生非怪事
空函正可問青天

擬自君之出矣

自君之出矣幾度泣斜暉
思君如秋柳暗暗減腰圍
自君之出矣不復理瑤箏
思君如春水脈脈一無聲

秋陰

靜坐簾不捲秋陰一院中
寒蟬疎遠咽芳草冷幽叢雲

暗山含雨烟斜竹受風涼天小檻外無數落花紅

秋郊晚步

稻蟹蒹蘆記歲華消閒負手過鄰家一天雨霽雲初冷
三逕人來日已斜蟬噪林烟連遠寺鳥尋草粒下平沙
蛩聲底事催歸急開徧前村籬豆花

府試蠟梅

樹樹寒花細朶催水村山郭試低徊風前籬落歌修竹
雪後園林訝早梅磬口檀心裝妙相迴廊小院得新栽

漢書攤向芸窓讀嚼得新香味自回

府試榆錢

嫩筴低垂箇箇圓繁枝一色疊輕錢因風擲地青堪選
和雨黏苔綠可憐柳外不須簾杖挂水中慣倩荇絲穿
腰纏十萬揚州路買盡繁華二月天

漫說青苗裊細烟枝枝榆莢逞芳鮮五銖厚重雨露地
一色勻圓星在天繫樹斜欹堤柳畔買春拋向酒帘邊
年年風雨官塘路都付鶯兒作俸錢

戲咏布袋佛

世界縱云登極樂和南色相未全空
滿胸磊砢消難盡
盡付微微含笑中

科試試院古槐

花待春街次第過堦前先愛碧陰拖
繁枝拂地烟雲重
密葉參天雨露多
料道着花宜老樹
豈真說夢問南柯
音聲不羨都堂裏也自頻年感玉珂

閱題名錄

霎時手重捧瓊瑤一紙泥金下碧霄觀局忽翻心血熱
論人合受姓名驕鶴逢愛我都能舞桐待知音尚未焦
縹緲名山竟何處爭看九烈柳條條

幾度風光一瞬過陌頭走馬欲如何買春錢盡新愁續
聽雨樓高舊侶多才愧青蓮甘下第時傳紅杏羨登科
此中結習前生種剝去蠶絲意不磨

府試盆梅

檢點花經深閉門歲寒心事共誰論偶携天上千枝雪

種向雲間七寶盆色與冰壺澄
斐几香邀粉月到芳樽
從今不必巡簷索紙帳
芸窓笑語溫

府試水仙

輕垂綠薤心如水不染紅塵骨
是仙香國梅花真弟後
冰天明月即身前秀擎玉萼
三分艷清暈珠盆幾色妍
試撫寒窓琴一曲悠然海上覓
成連

五臺詩

報越三年奏凱歸高臺百尺築
崔巍驪宮買笑前車是

金屋藏嬌後事非歌響未終麋鹿伏花容不見鷓鴣飛
於今衰草迷荒趾半逐江烟半落暉

姑蘇臺

五仞匏居作者誰章華卜築創新奇細腰宮裏看歌舞
長鬣班中較禮儀壯志未酬寧壓壁癡心不死敢投龜
可憐雨雪乾谿畔人去臺空又一時

章華臺

戲馬臺高矗碧空劇憐霸業起江東八千子弟軍容壯
百二關山地勢雄當日奇猷成畫餅一時盛蹟愧歌風
登臨枉度茱萸節不說重瞳說宋公

戲馬臺

奇功誓欲立邊陲
牖下埋名壯士羞
正擬請纓欣得路
料應投筆竟封侯
飛揚出塞真臯帥
潦倒登臺迺戰囚
遠望終慙蘇典屬
冷笳起處暮天秋

李陵臺

王侯第宅半榛荆
遺蹟偏留處士名
東海有心明鉅節
西秦無力破圍城
平原一世佳公子
垣衍當年魏客卿
長笑登高全俯視
解紛排難獨先生

魯連臺

寓法華寺東謝雲洲王露玉鑑堂銘中秋賞月

雲薄天高爽氣開
喜逢佳節且啣杯
招提一盞清涼酒

能否偷閒翫月來

中秋日再柬雲洲兼示鎰堂

冰輪初上小窻東
矮几簾床院數弓
雲葉潤含三界露
桂花香散一天風
樹間逸韻鳴簷馬
牆外秋聲問草蟲
寄語先生休對月
鄉心惟我與君同

瑟瑟秋飈落九天
況逢佳節月華鮮
諸君雲誼真千古
而我萍踪已四年
但願有經同證佛
不須對酒始名仙
昂頭一笑看牛斗
銀漢無聲星燦然

謝文蔭莊杰惠菊花

故人手植滿庭芳翠
纈繁英遠寄將三逕
涼颼飄落葉
幾枝冷艷破新霜
應憐我亦秋容瘦
最愛花能晚節香
珍重籬邊一樽酒
風風雨雨漸重陽

秋柳用漁洋山人韻

社課

碎雨零烟欲斷魂
牂牁空自說東門
白蘋洲冷風無迹
紅蓼花疎月有痕
幾日鶯飛聽上苑
三春帘影認江村
而今衰草寒烟路
一段淒迷不可論

半經宿雨半新霜
病葉蕭蕭下練塘
疎影尚疑牽雀舫
短條無復拂漁箱
江潭一樹悲司馬
胡笛三聲憶野王
惆悵湖邊烟水冷
六橋空數壽安坊

九月寒砧聽搗衣
曲江亭畔物全非
腰肢此日風前瘦
眉樣當年鏡裏稀
殘照漸催歸雁去
暮烟無極亂鴉飛
漢南零落知多少
猶愛年華未忍歸

衆芳搖落倍堪憐
縷縷牽愁付暮烟
海燕不來空踈地
沼萍已碎憶飛綿
板橋斜日猶千樹
流水栖鴉又一年

記取新條二三月青青先到液池邊

下第出都宿邯鄲

無那秋風鍛羽何村醪斟罷擊壺歌
呂翁莫假遊仙枕
慚愧邯鄲道上過

道出鳴謙驛

秋色倍淒冷其如行路心
空山出短樹落葉警棲禽
巖重雲生岫烟寒月滿林
蕭蕭晚風起又送數聲砧

辛興鎮

唐集以自金不
正馬斜穿一逕陰遠山如帶暮雲深夕陽天氣涼風起
黃葉紛飛秋滿林

芹泉道中

一徑入霜蹊行人向柳堤天寒村墅靜野濶樹林低宿
雪田千頃斜陽水半溪多情是明月夜夜送征蹄

曉發峪道河

耳根鈴鐸起鱗鱗茆店鷄聲已向晨隔樹燈明車馬出
遠山月落雪霜新路通鳥道心先悸風透羊裘面盡皴

笑我未諳行役苦前村早有趁虛人

青龍山

山路走難盡崎嶇仄運多半天交古木亂石上危坡雪
凍磴全滑冰堅水不波人烟何處望螺髻又嵯峨

康家灘

幾處柴荆深閉門碧雲紅樹自成村棗林密掩山田靜
茆屋低臨水磨喧大野歌聲歸牧豎夕陽人語歛鷄豚
征鞭遙指峯頭上又露纖纖月一痕

過虎嶠山值雪

朔風連日釀寒瑤，冷透雲容故故飄。
茆屋有人蕉夢穩，石崖何處水聲遙。
倩伊花朶粧瓊樹，引我詩情在灞橋。
認得鞦韆痕過畧，約深山滑遶歸樵。

萬片雲花洒碧空，由來玉戲屬天公。
瑤林瓊樹風塵外，絮帽霜巾圖畫中。
嶺自高低千里白，楓猶掩映數株紅。
輸他山客逍遙甚，品竹評梅東閣東。

幾條石磴半模糊，打面風飛雪片粗。
紅葉黃花餘昨夢，

重山複水訊前途客中車馬偏親近雲外林亭倏有無
策着蹇驢衝着絮天然一幅問梅圖

危崖凍澗已疲煩無那飛花一色繁萬里山河教白醉
半空蝴蝶鬧黃昏馬經滑磴留蹄跡鴈去平沙認爪痕
更把玉鞭天外指遠峯無數尚雲屯

晚宿苗家坪

蕭疎村僻歇鈴羸引枕無聊覓睡魔塵壁任教燈吐燄
破窓贏得月流波畫堂日覺圍爐冷茆店人偏卧雪多

與家人輩設地鋪三夕矣

聞說前途殊寂寞居停未識更如何

提鈴溝大風

雪積霜凝十月天一塵微動忽飄然雄聲乍捲千林外
夕照全迷半嶺邊掃地凍雲山意冷吹空落葉雁行偏
苦寒不敢封姨怨已送飛花到麥田

感逝詞集唐二十首

時宗室夫人歿

舊事思量在眼前紅屏風掩綠窓眠此情可待成追憶

惆悵歡情恰一年

白居易
李商隱

白居易
薛宜僚

悔作從來恩愛深落花流水怨離琴為君留下相思枕

碧海青天夜夜心

李璣
李白

李羣玉
李商隱

紅粉雲鬟空斷腸可憐天氣好時光杏花滿地堆香雪

欲捲珠簾春恨長

杜牧
劉蕙

白居易
王昌齡

直疑蹤跡到蓬瀛脉脉悠悠倚檻情莫怪臨風惆悵久

一場春夢不分明

成彥雄
徐鉉

戎昱
張泌

豈肯離情似死灰一心如結不曾開無身尚礙魂相就

莫便乘鸞去不迴

李郢
元稹

江陵士子
釋貫休

柳外春晴百鳥鳴
雨餘虛館竹陰清
鴛鴦有伴誰能羨

雙宿雙飛過一生

白居易
朱慶餘

劉滄
無名氏

夜來攜手夢同遊
夢到花橋水閣頭
覺後始知身是夢

依依殘月下簾鉤

白居易
徐凝

白居易
王昌齡

雙燕雙飛繞畫梁
蜂爭粉蕊蝶分香
無情之物尚如此

何處春陽不斷腸

盧照鄰
釋貫休

溫庭筠
邢鳳

鳥栖庭樹夜悠悠
纏繞春情卒未休
驀上心來消不得

淚珠時傍枕函流

李中
殷堯藩

翁承贊
袁不約

欲詠無才是所悲
兩三行淚忽然垂
欲知腸斷相思處

細雨春風花落時

韓偓 趙光遠

賈島 李白

細念因緣盡是魔
彩鸞琴裏怨聲多
玉鈎欄內珠簾捲

月照高樓一曲歌

白居易 翁承贊

劉元淑 溫庭筠

簾外春風杜若香
百花狼藉柳披猖
光陰負我難相遇

春日偏能惹恨長

劉禹錫 韓偓

唐彥謙 賈至

幾許幽情欲話難
倚樓垂袂復凭欄
世間只有情難說

落了楊花也怕看

薛逢 顧况

劉兼 章碣

一二三四五六七昨夜今朝又明日天欲明前睡覺時

焰焰膏蘭明狹室

羅隱
白居易

白居易
姚合

花月香寒悄夜塵黃昏哭向野田春軒窓簾幙皆依舊

不見心中一個人

張泌
白居易

王建
元稹

世間恩愛極難拚雙袖龍鍾淚不乾長憶小樓風月夜

刺桐花發共誰看

李茂復
白居易

岑參
張籍

帶風楊柳認蛾眉對此如何不淚垂昨夜雨涼今夜月

迢迢何處寄相思

魚元機
許渾

白居易
馮延巳

冰雪顏容桃李年多情信有短姻緣舊來好事今能否

柳暖花春二月天

武元衡
杜甫

鮑四絃
李郢

碧雲初斷夜沈沈一度相思一度吟白玉帳寒鴛夢絕

西廊月上半床陰

劉禹錫
曹唐

戎昱
白居易

空向滄江夢所思此情惟有落花知微風簾幙清明近

腸斷紅箋幾首詩

崔塗
馮延巳

李璟
李建勳

尋元昊臺故址

在賀蘭

元昊侈王業建臺於此山峯巒留勝跡我輩擬登攀砌

草不可見林花空自閒
唯餘古時月幾度照溪灣

屠本如茂才

述源

高雅不思仕進出照屬題

有梧萋萋有竹離離有欄幾曲君子宜之可以箕踞可
以栖遲我慕其人洒然不羈我欽其貌儼乎若思白雲
心海鶴姿一片石神自怡一卷書樂不疲彼何人斯當
求之羲皇而上晉宋之時

重遊賈氏別業

洞門高閣板橋橫細草茸茸石路平
水不在深清可挹

樹猶如此碧無情偶尋竹嶼科頭坐又見花欄照眼明
纔識通幽多曲徑杖藜便擬到蓬瀛

塞下曲

金簇鐵胎弓開圍大漠中射鵬看血雨探虎識腥風
飛將龍城鎮天驕不敢侵開邊上策府豈止獻新心

登樓

抑鬱誰與語言登百尺樓置身青雲間心與太虛遊負
手一引領四極開明眸遙天歛霜氣萬樹低平疇日落

衆山遠月華灘上流
凭欄幾踟躕觸念忽夷猶
彼美我思之乃在蓬萊洲

銀川竹枝詞

百八浮圖何處所
赫連古塔獨孱顏

北門外有海寶塔傳為赫連氏重修蓋晉漢間物矣

樓臺歷歷樹梢上
梵唄泠泠雲漢間

南薰門外田千頃
老鵲湖邊樹四隈
曉日初紅霜氣白

打冰聲裏賣魚來

郡人冬月鑿湖米取魚

京樣牌樓四面開
人烟輿馬日喧阗
長街但聽鈴聲響

知是牛車拽草來

往往來來芟苦頭裁冠初不辨春秋

郡人以芟苦草結帽名芟苦頭平頂高沿四時皆着之

聖朝年物豐登甚也學舍哺鼓腹遊

冬齋讀書

萬事等浮雲吾惟天所適筆墨良有緣烟霞已成癖侵
曉聽鐘聲披衣岸冠幘手持一卷書隨意歇庭石或藝
一爐香靜坐歸吟席陳几有鉛黃連床森竹冊正襟對
古人猶然羣動息日影上東窓霜華萬瓦白

冬嶺秀長松秋江歌采蓮物自各有時人自全其天我
觀塵世中裘馬誇喧闐我羨曠達者閉戶怡聖賢堂幃
有天真詩書無俗緣觀史愛左癖學書宗張顛真源了
無碍苑枯何所牽不忤而不求長吟雄雉篇

旅館值雨即景

秧畝青葱大麥肥綠烟籠樹雨霏霏倚門貪看山雲起
碍着梁間燕子飛

薛村曉發

好山好水好田園
花木陰陰護一村
柳線兩堤烟有跡
秧針千畝浪無痕
溪邊官道別開徑
樹裏人家深閉門
十里曉風行不近
瞳矐林表射朝暉

行途雜咏

平蕪不見人
但聞村笛響
瞥見牧牛兒
倒騎牛背上

牧笛

一帶樹槎枒
炊烟幾縷斜
遙知山脚下
早飯有人家

炊烟

野花紅可憐
灼灼依林薄
平野聞無人
風來自開落

野花

片影落江皋
山空天復高
不因伴行旅
暮暮自朝朝

夜月

曉行口占

暝雀楂楂欲曉天
月華初落柳含烟
行人一路如披畫
不在山邊即水邊

旅館不寐偶成

萬籟此俱寂
良宵夢乍驚
微風拍戶響
片月上窓明
燈影照無寐
河流靜有聲
明朝道修阻
幾度問鼃更

固關

關上有
虛雲寺

重關百雉接天風
危棧崎嶇氣勢雄
樓比齊雲高太半

石懸飛瀑瀉當中
征人蹀躞無停騎
戍卒消閒早挂弓
却下層岩一回首
女牆縹緲樹空濛

涿鹿道中

捲地黃塵午日晴
微風不動一蟬鳴
麥雲正是登場候
莫聽行人怨暑聲

靈武過黃河水橋

隔林一帶白嵯峨
日影風紋靜不波
曾是赤松有仙術
只教徒步過黃河

銀川新年詞

瞳矐曉日絕晴佳
爆竹聲聲澈六街
認取人間新景象
彩紅一色挂招牌

人影衣香逐隊行
六街風日十分晴
往來儘有兒童樂
鼓打新歌是太平

松盆桃板裊晴烟
正是輕寒七九天
我作賀蘭山下客

遨頭五度過新年

余以丙子冬至
宜迄今四歲矣

爭說通衢展畫繒
樓船亭閣一層層
月華漸近元宵節

小隊紅妝約看燈

甯郡元宵前後三夜通衢數里列燈坊樓閣亭臺糊以書畫輕紗計一宵之費數百貫信遠城巨觀亦土人之

癖好

云

東風送暖入簫聲深巷誰家喚賣錫草屈金鈎梅綻玉
如何不早到邊城

行行出郭問韶華風颭青帘說酒家記否春明好風景
三椽茆屋放唐花

遊晉祠

在懸壺山麓

疋馬西來足壯遊晉祠風景倍勾留崇阿人上滕王閣

畫境天開帝子洲。一代名封志山水。當年霸業想春秋。
剪桐遺蔭今何在。堦下鳴泉萬古流。

樹林陰翳嶺嵯峨。倚徧欄杆迥若何。滿目雲山接秦嶺。
一天風雨冪汾河。蒼髯古柏三霄近。碧玉流泉五夜多。
擬上層臺調綠綺。高山流水發長歌。

棘樹

弱質劇遭勁棱棱。棘刺多丹心存碩果。翠葉伴疎柯。風
味酸如許。烟姿峭若何。植將田埂上。猶足衛嘉禾。

癸未嘉平由北地郡將旋京師留別賈子東茂

才如鏞

同是承歡菽水人芝蘭臭味雅堪親書從東晉摹真蹟
文到西京乃絕羣數載追陪稱合志一樽話別最傷神
何時共剪窓前燭紅杏花開上苑春

僂遊厭聽鷓鴣啼南國尊鱸興不羈時事手能分上下
交情心豈隔東西蘭山黃水留鴻爪雪葉冰花送馬蹄
記否聯鑣南郭外杏村貰酒過前溪

故園東望 帝城邊命駕懷歸意惘然樂志久吟潘岳
賦同心疇贈繞朝鞭如君蘭誼真千古慨我萍踪已七
年他日相思勞悵結薊門雲樹鎖寒烟

銷魂橋畔聽驪歌欲咏無才喚奈何皎皎半空共明月
盈盈一水隔黃河自今以始離懷結振古如茲別恨多
有約與君期努力鳳池春暖奏卷阿

環慶秋興用杜少陵韻

無邊落木響寒林渺渺孤城倍鬱森二水交環前渡冷

亂山高下晚雲陰
雁從夜半催鄉思
風到秋來動客心
一派淒涼愁入聽
滿街明月幾家砧

流轉年光橐籥功
峭寒消息雨聲中
一池清澈芙蓉水
三徑涼生薜荔風
窗外竹搖千個綠
嶺頭楓弄半林紅
賞心到處皆佳興
儘把忘機付海翁

清樽雅趣坐敲棋
景物無須宋賦悲
一徑曉風槐葉道
半簾疎雨菊花時
曠懷天地隨消息
瞥眼雲烟任變馳
梧影滿庭涼月白
步簷倚杖發幽思

獨上高樓對落暉暮雲無際夕烟微渚清沙白千山靜
風急天高一雁飛但使有花兼有酒總教相賞莫相違
江鄉佳味君知否紅稻花香紫蠨肥

露下天高北斗斜不堪回首望京華苔堦淅瀝傳疎漏
碧漢依稀駐使槎戍鼓不驚閒倚劍秋聲四起靜聞笳
捲簾愛看牆邊月清影迷離映蓼花

征鞭幾日賦刀頭今我來茲春復秋風影自搖窓竹靜
露華無那渚蓮愁鄉音望斷江中鯉生意遙隨水上鷗

莫悵浮雲能蔽日杏花時節在皇州

數載輪蹄空徒迤周原憑弔過東陂日斜遠岫田千頃
風冷空堤柳一枝無限潭清與山紫幾經物換又星移
荒寒故國今依在赫濯生靈萬古垂

一片孤城萬仞山人家終日翠微間西周風物開中國
北地雄威接玉關後樂襟期應景范府署二堂
顏曰景范學愚心事
欲希顏何時走馬長安道紫殿清霜躡曉班

環慶懷古

獨上危樓四望平峯嵐萬仞繞孤城姬宗業嬪三十世
范老胸藏數萬兵暮雨橋山楊柳色春風祠宇鷓鴣聲
而今瞻拜迷荒址芳草淒淒夕照明

城西有不窟墳南門
內有韓范諸公祠

題旅壁課讀圖

十笏之室排几筵六七童子千百編或把村書似帖畢
或弄毫素磨雲烟白髮老人踞高座雙瞳夾鏡明星懸
我別此境十餘載一丁不識誇登仙偶睹丹青忽大笑
宛然身坐春風前君不見高車駟馬門前客得失縈懷

頭雪白又不見履絲曳縞千金子求田問舍苦亦死雲
烟過眼空蒼茫不如斫田所獲恒豐穰何時富貴歸故
鄉且省領取胡孫王

望華山

到眼三峯迥若何烟巒重叠鬱嵯峨若無天日難為上
縱有恒嵩不足多羣岫傾心尊白帝巨靈擘手走黃河
孤雲一握空搔首欲訪希夷到磻阿

萬壑羣峯鎖玉關左瀦右拂在其間冕旒坐鎮中千世

秦隴應無第二山
瑤樹幾重圍露掌
蓮花十丈聳烟鬟
我來欲借天風便
吹向岩頭試一攀

渭南道中

驪山迤邐渭空明
鎮日輪蹄官道行
一片東風雪如掌
有人迎着上燕京

三月咸陽一炬紅
阿房樓閣盡成空
祇今綉野田千頃
都在當年大內中

古函關

在靈寶縣東

當日騎牛人不還
驂駢駐訪古函關
祇餘斷堦題殘碣
勁節常留天地間

旁有商臣
關龍逢墓

過潼關

黃河怒浪趨東溟
太華西峙三峯青
秦關百二此天塹
中原鎖鑰高建瓴
岩城百雉踞山脊
春寒夜靜風蕭索
金戈十萬養貔貅
刁斗無聲霜月白
輪蹄蹀躞從西來
戍樓燈火光徘徊
太平不待鷄鳴度
午夜城門四扇開

殷太師墓

在淇縣

淇泉左右抱叢林華表巍哉尚可尋
本擬櫻鱗存國脉不難剖腹見臣心
龍逢同志昭天日魚鯁何人冠古今
千載橋陵一抔土松楸猶自振商音
縣南有商六七聖賢故里碑
當日三仁稱絕調惟君一意乃孤行
只應一片西山石亮節清風并莫名

懷慶道中

烟樹重重官道賒竹林深處有人家
堤邊回首鞭遥指王屋山高沈水斜

岳廟

本是馳驅許國身
出師未捷倍傷神
一時冤獄成三字
千古羞名鑄五人
百戰不辭勞
父子長城自壞歎君臣
褒忠為惜金牌促
宸翰輝煌墨妙新

磁州口號

日暖風薰四月天
低垂官道柳如烟
避人水鳥忽飛去
半在蓮塘半稻田

盧生祠

自來仙骨不尋常飯到黃梁夢也香應是塵緣難盡了
只今猶戀黑甜鄉

呂仙祠

先生嗜讀書手披萬卷窮邃初先生好飲酒吸盡洞庭
只一口讀書飲酒皆元功撒手游戲凌天風邯鄲少年
不得志一朝旅邸拜仙賜直使激昂抑鬱人抒盡胸中
無限事富貴壽考四十年名姝寶馬皆等閒真耶幻耶
寓言耶當在可解不可解之間君不見華胥小憩真奇

絕萬斛俗塵一瞬滅又不見蟻穴之中天地古繁華乍
醒槐陰午紛紛名利轉眼空浮生若夢今昔同况聞神
仙不可接乃在虛無縹緲之山中先生掉頭不肯住先
生之枕知何處荒祠零落夕陽邊空與騷人滋艷慕吹
火照詩詩壁新大都說夢勞風塵我來欲作遊仙想只
恐先生冷笑人

明月店曉行

暮宿明月店明月方騰霄曉趁明月行清光何寂寥四

顧闕無人但聽風刁調垂柳陰周道寒流響平橋野曠
村樹遠曉涼征馬驕昂首指天外玉蜍低林梢雙輪馭
如電兩驂鳴蕭蕭聳身上神京買春期花朝